

**PRIMA SESSIONE URDINARIA DI U 2024**  
**REUNIONE DI I 25 È 26 D'APRILE DI U 2024**  
**1<sup>ÈRE</sup> SESSION ORDINAIRE DE 2024**  
**RÉUNION DES 25 ET 26 AVRIL 2024**

N° 2024/O1/023

**Question orale déposée par Mme Marie-Claude BRANCA**  
**Au nom du groupe « CORE IN FRONTE »**

**UGHJETTU : AIUTU A UN AGRUCULTORI DOPU A TIMPESTA CIARAN : À CHI NE SIMU?**

Sgiò Prisedenti in carica di l'agricultura,

*“I boia si liani pà i corra, l'omini pà a parola”*

U 2 di nuvembri di u 2023, a Corsica patia d'un novu fenomenu climaticu mediterraniu è distruttori numinatu “Ciaran”.

S'hè supratuttu cuncintratu nant'a costa di u Punenti di a Corsica, incù pricipitazioni misurati di 300 millilitri à u metru quadratu. Stu ghjornu u fiumu Portu hà avutu una piena di 5 metra è 80.

Parrechji splutazioni agriculi sò stati tocchi è una particularmenti hà persu tuttu i so infrastrutturi.

Subitu, subitu hè stata missa in piazza un oparata paisana è sulidaria pà aiutà à a ricustruzioni

In stu cuntestu di mossa populari, s'hè presentatu u Prisedenti di l'Asicutivu par custatà tutti i danni, assicurandu l'allivatori di u so sustegnu par via di l'ODARC è dicendu *“qu'il faut l'accompagner à la reconstruction dans les plus brefs délais”*.

In stu casu quì, l'aiutu aspittatu concerneghja a ricustruzioni di a strada, di i sarrendi è di u purcili chì sò stati strutti.

Da tandu 6 mesi so passati è à chì ne simu? Sempri à nudda.

Ùn vi la diciaremu mai abbastanza : i paroli so beddi è boni ma ùn valini l'atti.

Aghjustaremu chì st'allivatori, stimatu pà u so travaddu, u so cori è a so vulintà, mai ùn hà sviatu di u so parcursu prufessiunali, pruvendu incù stintu à metta i so tarri di famidda in cultura è manten'u so castagnetu.

In stu frà tempu, cuntatti sò stati presi incù i vosci sirvizi è i rispunsevuli par ramintà sta parola data. Chivi dinò s'hè intesu vani prumessi.

U mudellu di sucità chì vo vantati ùn pò metta da cantu quiddi chì à l'usu paisanu volini campà è travaddà in tarra soia, fora di i logichi di a dipendenza è di l'assistanatu.

Oghji, par eddu, ùn vulemu chì l'affari lunghi diventanu sarpi.

Vi dumandemu dunqua :

A parola data vali sempri o nò? È si rispundetevi di sì, quandu hè chi sarà tinuta?

Postu chì in stu casu, u paisanu toccu hè à caternu.

Vi ringrazieremu quandu l'affari sarà viradimenti regulatu.